

Alþingi
Erindi nr. Þ 138/157
Álit komudagur 12.11.2009

um frv. til fjárlaga fyrir árið 2010 (11 Iðnaðarráðuneyti)

Frá meiri hluta iðnaðarnefndar

Iðnaðarnefnd hefur að beiðni fjárlaganefndar farið yfir þá þætti fjárlagafrumvarpsins sem eru á málefnasviði hennar, sbr. 2. mgr. 25. gr. laga nr. 55/1991, um þingsköp Alþingis, og bréf fjárlaganefndar frá 19. október 2009. Nefndin hefur fengið á sinn fund Ingu Ósk Jónsdóttur og Kristján Skarphéðinsson frá iðnaðarráðuneyti.

Heildargjöld iðnaðarráðuneytis árið 2010 eru áætluð um 6.621 m.kr. á rekstrargrunni. Frá dragast sértekjur að fjárhæð 1.071 m.kr. sem nema 16,2% af heildargjöldum ráðuneytisins. Gjöld umfram tekjur eru 5.550 m.kr. og af þeirri fjárhæð eru 5.199 m.kr. fjármagnaðar með beinu framlagi úr ríkissjóði og 351 m.kr. innheimtar af ríkistekjum.

Útgjöld iðnaðarráðuneytis dragast saman um 834,2 m.kr. á verðlagi fjárlaga 2009. Eins og fram kemur í frumvarpinu má segja að breytingum á útgjöldum megi skipta í þrennt. Í fyrsta lagi eru gerðar ráðstafanir til að minnka útgjöld iðnaðarráðuneytis um 499 m.kr. í samræmi við áætlun ríkisstjórnarinnar um jöfnuð í ríkisfjármálum 2009-2013. Í öðru lagi falla til nokkrar nýjar útgjaldaskuldbindingar sem nema 307,5 m.kr. Í þriðja lagi falla niður ýmis tímabundin framlög að fjárhæð 642,7 m.kr.

Við umfjöllun málsins í nefndinni kom í ljós að iðnaðarráðuneyti taldi að í tillögum sínum til fjármálaráðuneytis mundi rúmast aukin fjárveiting til annars vegar Tækniþróunarsjóðs og hins vegar fjárveiting til að reka markaðsstofur ferðamála á landsbyggðinni. Með öðrum orðum vonaðist ráðuneytið eftir að í frumvarpinu yrði fjárveiting til Tækniþróunarsjóðs aukin um 100 m.kr. Meiri hlutinn telur mikilvægt að sjóðurinn fái aukið fjármagn til samræmis við það sem ráðuneytið lagði upp með. Þá lagði ráðuneytið til 50 m.kr. fjárveitingu við fjármálaráðuneytið til að reka framangreindar markaðsstofur. Um síðarnefnda atriðið minnir meiri hlutinn á ummæli í athugasemdum með frumvarpinu þar sem fram kemur að til skoðunar hafi verið að ríkið kæmi að starfi markaðsstofa á landsvísu og að þeirri skoðun yrði haldið áfram áður en frumvarpið yrði að lögum. Eins og fram kemur í frumvarpinu var ráðuneytum ætlað að undirbúa valkosti og tillögur um lækkun útgjalda sem næmi um 10% af heildarveltu. Hvað varðar þá málaflokka sem undir nefndina heyra hefur helst verið reynt að hlífa málaflokkum er snúa að atvinnuþróun og nýsköpun.

Nefndin stendur saman að skiptingu þeirra safnliða sem undir hana heyra, þ.e. lið 11.299-1.50 *Nýsköpun og markaðsmál* og lið 11-599.1.90 *Ýmis ferðamál*, sbr. tvö skjöl sem fylgja álitum þessu þar sem gerð er grein fyrir úthlutun nefndarinnar.

Alþingi, 12. nóvember 2009

Lilja Rafney Magnúsdóttir
Anna Pála Sverrisdóttir
Atli Gíslason
Jónína Rós Guðmundsdóttir
Sigmundur Ernir Rúnarsson
Margrét Tryggvadóttir

Iðnaðarráðuneytið

Ýmis ferðamál (11-599-1.90)

Fjárhæðir í m.kr.

| Umsækjandi | Samantekt | Beiðni | Fengu 09 | Afgr. |
|---|---|--------------|-------------|-------------|
| Atvinnuþróunarfélag Þingeyinga | Atvinnuþróunarfélag Þingeyinga, Dimmuborgarstofa. | 10,0 | 4,0 | 2,0 |
| Ferðafélag Fljótsdalshéraðs | Ferðafélag Fljótsdalshéraðs, gistiskáli í Loðmundarfirði. | 10,0 | | 2,0 |
| Ferðamálasamtök Íslands | Ferðamálasamtök Íslands, samhæfir vefir um ferðamál. | 2,0 | | 1,5 |
| Félag áhugamanna um Hrafnkelssögu | Söguslóðir Hrafnkelssögu Freysgoða, sögutengd ferðapjónusta. | 2,0 | 0,8 | 0,5 |
| Félag áhugamanna um víkingaverkefni | Félag áhugamanna um víkingaverkefni, menningartengd ferðapjónusta. | 5,0 | 4,0 | 2,0 |
| Félag um Snjáfjallasetur | Félag um Snjáfjallasetur, bætt aðstaða og útgáfu- og kynningarmál, sögutengd ferðapjónusta. | 3,0 | 1,0 | 0,5 |
| Fjallabyggð | Fjallabyggð, Siglufjörður verði miðstöð skútusiglinga í Norður-Atlantshafi. | 8,0 | | 2,5 |
| Fjallabyggð | Fjallabyggð, Iceland Midnight Sun Race. | 4,0 | | 1,5 |
| Hveravallafélagið ehf. | Hveravallafélagið, heilsársviðvera á Hveravöllum. | 5,0 | 1,5 | 2,5 |
| Landnám Ingimundar gamla | Á slóðum Vatnsdælasögu, söguþjónusta fyrir ferðamenn. | 2,5 | 2,0 | 1,0 |
| Malarhorn | Malarhorn, kynningarefni um Strandir. | 1,2 | | 0,5 |
| Markaðsráð Þingeyinga | Þingeyjarstofa, upplýsingagjöf til ferðamanna í Þingeyjarsýslum. | 5,0 | | 1,0 |
| Markaðsskrifstofa ferðamála á Norðurlandi | Markaðsskrifstofa ferðamála á Norðurlandi. | 5,0 | 3,0 | 3,5 |
| Markaðsstofa Austurlands | Markaðsstofa Austurlands, ferðapjónusta. | 5,0 | 3,0 | 3,5 |
| Markaðsstofa Suðurlands | Markaðssetning ferðapjónustu á Suðurlandi. | 5,0 | 3,0 | 3,5 |
| Markaðsstofa Suðurnesja | Markaðsstofa Suðurnesja, ferðapjónusta. | 5,0 | | 3,5 |
| Markaðsstofa Vestfjarða | Markaðsstofa Vestfjarða, markaðssetning ferðapjónustu. | 5,0 | 3,0 | 3,5 |
| Mývatnsstofa ehf. | Mývatnsstofa ehf., jólasveinar í Mývatnssveit. | 4,5 | 2,0 | 1,5 |
| Samtök um sögutengda ferðapjónustu | Efling sögutengdrar ferðapjónustu á Íslandi. | 10,0 | 2,0 | 2,0 |
| Vesturbyggð | Vesturbyggð, ferðaverkefnið Ferðumst og fræðumst. | 11,0 | | 2,6 |
| Vesturlandsstofa | Vesturlandsstofa, markaðsetning ferðapjónustu á Vesturlandi. | 5,0 | 3,0 | 3,5 |
| | | 113,2 | 34,6 | 44,6 |

Til ráðstöfunar samkvæmt fjárlagafrumvarpi 2010

44,6

Óráðstafað:

0,0

Iðnaðarráðuneytið

Nýsköpun og markaðsmál 11-299-1.50)

Fjárhæðir í m.kr.

| Umsækjandi | Samantekt | Beiðni | Fengu 09 | Afgr. |
|--|---|-------------|----------|-------------|
| ATAK, Áhugasamtök um tæknimiðstöð | Nýtækniþing. | 2,0 | 0,0 | 1,0 |
| Hátæknisetur Íslands ses | Hátæknisetur Íslands, basalttrefjar, framleiðsla og notkun. | 6,0 | 4,0 | 3,0 |
| Langanesbyggð | Langanesbyggð, þjónusta við Drekasvæðið. | 10,0 | 1,0 | 0,8 |
| Murr ehf. | Murr gæludýrafóður, vöruþróun. | 2,5 | 0,0 | 1,0 |
| Rannsóknastofa í hagnýtri örverufræði | Rannsóknastofa í hagnýtri örverufræði, rannsóknir og nýsköpun, | 15,0 | 5,5 | 4,0 |
| Skógarorka ehf. | Skógarorka ehf., kurlkyndistöð á Hallormsstað. | 4,0 | 4,0 | 3,0 |
| Undirbúningshópur um FABLAB-stofu | FABLAB-stofa, stafræn smíðja á Sauðárkróki. | 5,3 | 5,0 | 3,0 |
| Útflutningsskrifstofa íslenskrar tónlistar | Þróunarseturs íslenskrar tónlistar. | 15,0 | 0,0 | 4,0 |
| Valorka ehf. | Rannsóknarmiðstöð sjávarorku. | 10,0 | 0,0 | 2,9 |
| Vopnafjarðarhreppur | Vopnafjarðarhreppur, vöruþróun og markaðssetningu á niðursöðinni hrognafylltri loðnu. | 5,0 | 3,0 | 2,0 |
| Vopnafjarðarhreppur | Vopnafjarðarhreppur og Langanesbyggð, þjónusta við Drekasvæðið. | 6,0 | 1,0 | 0,8 |
| Þórdís Bergsdóttir | Þórdís Bergsdóttir, framleiðsluþróun á þæfðri ull. | 14,0 | 0,0 | 2,5 |
| | | 94,8 | | 28,0 |

Til ráðstöfunar samkvæmt fjárlagafrumvarpi 2010

28,0

Óráðstafað:

0,0